



皇甫少玄集卷十五

少玄山人吳郡皇甫湜撰

送別

送楊虞衡之任白下

風雲漢殿元相接山澤周官尚可求近侍獨憐
爲令子名曹總喜得英流行瞻北極南江夜坐
憶金陵玉苑秋戀闕亦知心未已送君今日羨
仙舟

包子席上送張某歸華亭

冬筵就日情悲壯谷口雲深有故廬試看飛蓬

行欲遠獨携藏劍意何如千年碧海時歸鶴十
月黃河早負魚逆旅談君盡豪俊誰堪別句醉
中書

冬日送羅半窓四川兵備

為邦實擬豫章材五馬嘗聞四郡迴

嘗歷守江右四郡

西顧羌夷朝論重南趨旌節歲華催經過楚澤
玄雲變朝暮夔江錦水來他日遠誇槃木至漢
庭宜舉萬年杯

再送粟子

役車聞唱歲華殘客裏邊愁無柰寒魏闕分明

當落日滹沱河上莫東看

賦得襄陽樂奉送北野韓先生

襄陽風日本來嘉晴看雲錦被江沙踈地先垂
楚臺柳明粧不斷習池花習池路接城南陌陌
上連翩侈遊客且將絃管鬪繁華未論冠蓋矜
輝赫從知朔別還晦期何惜千金輕一擲并州
愛將懶迴鞭高陽使君時岸憤別有芳妍喚大
堤煙花如簇望來迷並跨雕鞍騰綠水俱搖翠
幘渡清溪渡憶騰鞍紛絡繹采珠拾羽競招携
氛氲香縠遙疑霧飈纏紅羅煥若霓擲籥彈箏

歡未已相逢盡是便娟子嘗聞艷舞冠西荆詎
識神姿羞洛水太平樂事休教晚江漢風流應
不遠江上傳呼五馬來橋邊正值行春返行瞻
夏口夏雲滋回望春臺春恨彌桑田滄海無窮
慮萬代千齡同一時蘅臯木落離前淚蕙渚鴻
歸別後思賦成春日襄陽樂腸斷秋風峴首碑
送吳長洲改任陽穀

惟昔遊崇省多士揚清塵來俊飲遐軌茂允如
蘭賓迨茲覲明宰言歸自河津在疚方嫫嫫庶
慰慈母仁君子獨負俗吏道多緇磷瞻塗邁魯

陽臨岐惻予神徙植念懷霜皇澤回如春殷我
寤寐情日佇嘉命新

家叔携舟橫塘餞別晚登吳山

香刹隱巖曲烟蘿一徑懸那堪風景處共此別
離筵度嶺雲木異浮空島嶼連花濃三月酒春
漫五湖天勝託丘中好詩裁塘上篇終期謝塵
紱歸賞竹林前

大雲菴席上別郡守作

使君送客祖筵頻風景登臨復此晨蘿徑不知
軒騎入蓮峯常對郡齋新滄波裊裊空違思楊

柳依依可柰春明發天涯重回首習池留醉與
何人

別竹堂寺僧

我別休公去悠哉江上心離蹤眷春水征路渺
雲岑月散寒猿影山空芳杜陰仍憐晤言意贈
處一何深

再別兄弟作

可歎江潭客重爲魏闕遊河梁一悵望芳草劇
含愁隴樹三年淚邊雲萬里秋無由慰棲泊羈
影任悠悠

留別徐紹卿

投跡日云昧自知丘壑賢嗟予荐行役遇爾滯
歸年帆遠江津樹雲深谷口天如何數行淚獨
灑故人前

送陳斯羽

之子不得意淒涼薊北行遙瞻鴻鴈塞念爾蓼
莪情山冷雲迎旆沙長雪暗城惟餘羊舌泣握
手淚沾纓

飲城隅王氏北樓與周子別二首

麋鹿遊何處傷心蔓草多百花帆上錦無復照

滄波

其二

花藏梅福市山繞闔閭城却望垂楊色憐君送
別情

送顧懋涵北上

弱齡謬自許不知干謁非西望咸陽城青雲滿
皇畿談笑揖公卿結交盡英彥儕輩有辟疆流
輝獨蔥蒨激昂待詔時金馬陪遊行豈意三上
書十年不被薦貢冠爾未彈王綬予先結耻同
燕石售以哀荆人拙君今到京華高步光朝列

千里不乏才崇臺非徒設振手胥郊道臨流念
將別何以喻繁憂楊花亂如雪善仕寡遇合躡
蹬隨風塵問我傷禽者何如泣玉人明發馬蹄
間待子潞河津滿沽燕市酒醉憶金陵春及時
恨不早所冀終一伸側望金河曙商歌懷苦辛
苦別行送伯兄季弟北上

孤鳳辭金門落羽向江水西眺揚子津那堪別
愁起我觀伯季連躡姿十年躡躡胡爲爾君不
見馬生窮老志邊野公孫徒步相天子時乎遇
合豈云晚尚是吾家兩千里憶昔分飛蘭省間

彤庭無復相追攀丈夫西游不稱意東歸復傳
多苦顏人生榮悴會有時簡書且赴金陵期含
情不得向人語落魄終然爲世嗤都城策馬去
駸駸揚帆念爾臨江潯長天却望鴈飛盡落日
驟下江流深嗟嗟四鳥今異林天涯明發誰爲
心欲知此別良最苦看取燈前白髮侵

送白川少司寇入賀還南都

清霜錦樹抗行旌沙塞繁雲渺去程瞻戀瑣闈
臣節苦携將金鏡主恩明夜深霄色懸鳩觀天
外江流接鳳城遙識芳菲舊遊地重來殊覺壯

平生

金陵送吳山人之京作

三月君爲冶城客芳草連天映江碧城東谷寺
幾銜杯揚子津頭更離席長郊烟絮迷征輪問
君何復西游秦滄波魏闕俱流落日暮風塵愁
殺人

送陳水部道通

南天殘雪此逢君忽散征驂北路雲獨嘆別時
花滿眼誰堪聲斷鴈歸群江流繞郭春難盡堞
影連山曙不分幾度沾巾悲落羽白頭離思轉

紛紛

奉送東橋顧公考績北上

正衡宣文紀泰道熙華辰燮治資平格秉哲時
經綸英賢奠宗鎬居師聿登淳弼成乾化闡
偃祥風臻澄臬綏甸宇獻績朝淵宸霄徒戒藻
舳星旆邁崇闈曜牡停蘭觀祖帳喧玉津皇休
緬荆服玄寢綜信臣仁圉被興謠求瘼無輟輪
褰帷江山壯憑几雲霞新協卜希元龜應圖佇
游麟輔台迪徃載沃朕徵伊人樞掖騰清響堤
阜悵徂春薄躬荷鴻育庶以忘沈淪

省中贈別詩三首

祇役辭蘭省驅車邁京陽大江浩無極遊子心
慨慷疎星斂華闕朝霞興崇岡平原一顧望山
樹靄蒼蒼集送臨城隅轅馬各徬徨道路豈云
遠忽在天一方念與我友別佗條中自傷

其二

夙駕遵城阜炎飈散郊岐靈臺寂重岑列樹敷
丹闈懷闕多紆鬱離友增殷悲音徽日以闕眷
戀心有違束髮慕古人在遠志不移努力宣四
方慰爾如渴飢

其三

踰紀塵朝闕遠跡徂舊京蘭林穆清軌江介滋
烈情同聲在休顧握手慰平生蔡美鬱璵璠施
也必世英高義激雲飈竒藻絢天庭晤言薄人
爵比景遺華齡徒積浮海心時網坐自嬰臨流
念將別棄置終何成飲泣踰堦畛回睇眷音形
希君篤微鑒良圖但含貞

登弘濟寺閣別謝施侯蔡四省友

高閣橫江出凌空石道行朋遊謝城郭幽意靈
山楹斷壑晴雲滿長蕪夕鳥平迴波對延佇一

遣別離情

送孫水部北上

共有鴻飛意看君鳳節還言尋畫省舊來訪華
門間問隱桃溪岸乘春雲際山河堤無限柳今
日不堪攀

送周子籲再入蜀

題柱他年貴朝正使者旋滄江一會面白首轉
堪憐鄉淚猿仍下巴書鴈不傳沈冥別有問何
事女牛邊

秋日映江樓別同省諸公之山陰

江樓雨初散送客下江潯夕引西興望蒼然溪
路深連巖起秋色夾岸映疎林坐聽寒砧發空
驚于役心

送李廉憲之蜀

摩天燕雀本非儔侯相終知屬虎頭祖帳忽看
風景劇分符曾羨璽書優愁深鳥道岷山合春
逐雲帆楚水流蕭傳此來緣歷試花前那滯錦
官遊

送許夔州

君今策馬下瑤京明發聞猿引蜀程白首風塵

羈宦意青春江漢旅游情帆通錦水流難盡齋
近巫山雲易生高卧也知爲郡樂淮陽何必羨
承明

送南峰先生

獻歲文星動閭闔天書遙出鳳凰城翠華此日
開東觀綵筆何人冠兩京百里郵花催使節一
江烟柳引春旌君王更覓前朝彥爲把凌雲待
長卿

宴東湖流杯亭送歐陽大叅赴蜀

流杯亭上酌修竹亂溪沄暝樹烟常合春山雨

不分別情依去鳥客路入重雲懷舊仍傷遠勞
歌夜獨聞

送孫取益戍金鄉三首

越客歸田日逢君戍越人沙頭潮正急送爾各
沾巾

其二

爾掛秋茶法遙從越塞軍夢家江上月防埃海
邊雲

其三

爲語霜砧婦休爲玉筋啼祥風昨夜至報道有

金鷄

送周山人之越山人急友難而行適予

自越還重有感焉

送君非遠適感慨一交情望裏江山別愁邊風
露清因之訪遺跡直是昧平生空復湖堤月悠
悠向客明

子循再謫海沂將別書恨二首

悵望懷沙客征鞍何處歸寒生淮水暮雲繞魯
關微直道寧辭黜明時獨歎違誰堪流落羽江
上更分飛

其二

昔去鷓鴣道同爲竄逐臣今來鴻鴈影重對別
離人海國歲華晚江天涕淚頻驚蓬任飄泊雲
雪度迷津

寒夜對月子循將別

今夜江城月清輝秣益悲可憐顛顛影況復別
離時白露吳宮滿丹楓楚岸滋天邊有飛鵲何
自繞南枝

答子循弟畱別

憐君歲暮引離旌斜日霜空聽鴈聲湘水再投

仍有賦北山一去豈無情城分沂水愁雲繞江
合維揚霽雪明馬首知予更何向天涯遙憶淚
沾纓

席上送子循弟四首

歲晚孤帆發遙遙涉海沂清樽此爲別心事已
都違永夜江山望連空雲霰微楚歌君莫奏行
子欲沾衣

其二

離樽日南至行役魯東門海徼雲千里寒城雪
滿原聽歌仍有淚執手已無言何異飄飄鴈年

年別故園

其三

之子鳳五色如何鍛翮群悲風動地起飄落海
天雲我亦儀庭侶因君別淚紛徘徊未肯下太
息賈生文

其四

魯客臨當發西風楚鴈哀經秋離思積頻夜別
筵開漢主凌雲意相如作賦才登封儀已就望
幸幾時來

楓橋舟中與子循別

落日下離津江天引望頻黯然對尊酒惜爾向
風塵白海迷來鴈清霜畏旅人從知比柯葉信
是共沈淪政理操刀暇交情贈縞新班荆懷雨
露投壁謝緇磷阮藉窮途淚平原世網身何能
亦飄泊谷口正逢春

欲別子循登大石雲泉菴

惜別向何處山龕到竹林以予獨往意憐爾倦
遊心石壁飛殘葉蘿軒下夕陰清溪一回首惆
悵白雲深

雨夜離思

清齋隱蘿月簷暝滋林巒澤國夜溪雨亭臯春
草寒山光帶滉泚池響交檀藥憶處畏入夢遙
遙獨寤歎

皇甫少玄集卷十五

皇甫少玄集卷十六

行役

長至謁皇陵初出城偕林子熙載

少玄山人吳郡皇甫洵撰

祇命戒晨發朝回車馬紛梧楸開宿霧鏡吹引
征雲眺賞芳辰逼風塵旅思分還憐雙白鶴天
際自爲群

昌平道中

北山信雄峙玉寢渺玄霄昔聞漢室禮猶見翠
華朝木落平窺戍沙沉緩去輶茲行覽帝業一

使壯心饒

宿昌平館

沙澗仍餘照驚颺促去鞍烟生遠天盡暝入孤
城寒感事塵踪別悲年物役殘羈宵定取醉圓
月度長巒

月下趨茂陵

沿趨碧澗隈沙白映寒梅月倚千岩靜雲分七
殿開喜觀文物盛尚想戰塵哀儼陟珠丘地齊
瞻北斗廻

泰陵

我明七葉帝玄寢萬年安永夜流泉道長春宿
殿欄笳聲遙霧樹月影尚鴛鸞不盡蒼梧恨徒
悲玉座寒

夜還昌平宿

返轡遵松路關山月正中泉聲深澗壑霧氣薄
園宮候館寒頻入湖天曉易通荒城起哀角客
思浩無窮

近城作

野曠日初落馬煩風正侵鴈飛沙塞少星射洳
流深暗闕迷霄色鳴鐘下夕陰終傷萍梗泛益

起故園心

赴淮二首

濟物隆所遇守道殉厥身將命事有恪揔轡越
城闈靡靡即遙路愴惘辭密親振纓儷皇城夙
夜豈異人臨塗判餘袂涕下盈衣巾渺默絕音
形旋顧獨傷神乖離感商氣夷悅曠徂春陰雲
興崇巘長風激河津落日厲歸鳥平野驚鷺麇
覽物起悲思征途逝駢駢寤寐睠京闕慷慨終
未申俛仰成淪薄撫志懷苦辛

其二

旅食遊京華厠彼多士末負擔旣云弛徘徊建
禮闈寒暑易流謝云何慰契闊感物多思心耿
介眷明發指途戒出宿寤歎念將別臨樂操土
風覽鏡悲素髮旌蓋淹河曲我日倏已月載瞻
浮雲征永願巢林樾

使中都道中作二首

將命適遠京夙駕戒征侶臨流別友生野塗曠
延佇靖恭爾所敦我志不遑處揚旆越脩堦舒
節薄蘭渚日夕秋風生曾是歲不與淒淒聆侯
蟲肅肅望歸羽蘊結愁我心沉憂誰能去悟彼

詩人言歸來藝稷黍

其二

涉汶倦邇廻浮淮憎蕩滄通波引樵沛伏流濫
桐栢遙林結長烟平莽曠秋色朝游警侵星星
駕馳落日獨倚私自怜悲風起蕭瑟叅知諒能
蹈五善庶克獲

道中述懷作

肅事辭雲陛牽役遠徂征素秋改朱夏千里涼
風生凝霜被四野淒氣感人情民生實在勤誰
能獲常寧翩翩離鴻翔嘒嘒寒蟬鳴漣漣衝波

駭亶亶愁雲興仕苦竊所希長揖謝三迎三迎
豈吾節且復事契闊夙駕鶩遄途撫志慚明哲
時逝焉有停憂來不可輟心憂難克明河廣易
云越

楊青早發

解纜催晨發天高秋氣清度雲巖樹濕泫露渚
花明岸靜群鷗下汀寒旅鴈征觀風徒有意辛
苦遡洄情

凄其

凄其臨水意游子滯他鄉絡緯悲吟切蒹葭秋

思長翳雲迷岫色澄月瀉波光未夜勞歌起青
天望鴈行

流河紀興

涼飈滌殘暑沿岸綠陰多秋色生遠海浮雲空
九河蟬聲雜鳴籟鳧影亂繁波我懷方浩曠臨
觴酬短歌

夜作

帆飛川路永烟霧杳空溟蓼積寒江渚楓凋古
驛亭日沉昏溜影雲起亂峯形入夜看牛斗安
知有客星

入齊境二首

靈山表東海旭日指全齊巘出遙空峻林含宿
霧低長風送雲鴈疊浪下江鶻悵望何人悟迢
遙旅思淒

其二

夕吹河津渡霜旌野岸浮林疑千樹積壤辨五
星流黃雲凝海氣白露肅關秋未歎張平子歸
心有四愁

將至東昌

前瞻博平郡雲渚蕩清暉晨風一何鴉秋鴻稍

欲微今日他鄉酒思共故人揮獨有空林葉蕭蕭滿岸飛

沛中

飲水從遠使飛帆入沛中客思憑南斗鄉心渺北鴻日落長河靜雲散暮臺空帝業光千祀天歌仰大風

將命

將命戒征軒川途鏡吹喧平生稀博望雅節在河源天長秋氣靜波亂日華繁主恩良已渥思酬秘室言

滁陽道中

晨征凌絕磴夙駕上危巒逸旆翔星末驚鞞激霧端崇壤延江色荒池積露寒長懷萬里志寧知九折難

滄洲懷古

旅泊荒川上凄然自遠風野寒消暮靄堞影帶殘虹巖迴驚鳧兔天長叫斷鴻雲生滄海闊月落九河空年代雄圖盡吁嗟逝水同懷哉下惟子秋草思無窮

河興

紆雲開曉露盡角起重樓行擁皇華節言方青
翰舟挂輪迷落月竹箭警奔流地訖三門險天
疑九曲浮飛霞橫別島懸沫沸中洲樹斷巖容
晦鴻來莢色秋龍圖悲逝水馬頰辨荒丘惆悵
將何道長謠失旅愁

泗州道中三首

亂流趨泗上揚旆下淮潯岸出遙林險天浮大
澤陰濤聲驚枕席霜氣肅衣襟迴眺依星渚前
瞻失霧岑雲迷欲過鴈浪駭正翔禽誰令獨不
化淒感暮遊心

其二

濟北月槎下淮南木葉秋長謠入泗水極目覽
中州曉吹迎霜咽寒旌捲霧浮草光凝雜組海
氣望城樓一葦愁鄉路膚雲渺帝丘客心無欲
速桂樹可淹留

其三

客遊異風壤旅眺極川原碕岸奔濤急遙林宿
霧繁魚鱗辨雲色桐栢引流痕渚淨禽爭浴沙
平鴈載軒望河思啓瑞矚洛眷餘溫獨有四愁
在長歌不復論

上海道中

東望頻依海南行不見山清秋成小客落日照
離顏柳影平沙曳霞明細浪還星槎去不返
語向人間

停橈

停橈漢帝鄉醉酒古亭傍草樹銜豐密雲天引
礪長碑寒落馬字劍斨斬蛇光明發橋東路懷
人意不忘

暮作

江蘋風欲微星樹動清輝坐看陽烏落遙憐去

鷓飛彭山四面合淮水衆流歸此夜聞吳詠還
應淚滿衣

五河道中遇蘇侍御

楚鄉羈客過秋分相伴帆檣鴈數群更指鳳原
催使節傳呼驄馬駐斜曛風前厭聽淮南葉天
外愁看洛北雲明日獨攀叢桂去八公山下遠
思君

真州曉行接唐太史書

獨遊京國歎離居不見情知幾月餘車馬駢駢
行鞅掌星霜冉冉去躊躇茂陵誰慰相如渴瓜



原件短缺

步遥傳太史書肯解欣然江渚意秋來同爾食
鱸魚

真州溪泛

佳期渺何許宛在水中洲棹拂縵何密船移綠
樹幽晚風清暑氣新月澹川流滿目江南意誰
曾物役愁

過維揚作

念昔恭明祀三秋滯楚鄉茲言還上國五月渡
維揚戀土情何極瞻途意轉長川原歷瀾迤烟
樹引微茫浴渚鳧爭下驚沙鳩忽翔江隅有芳

草幽思獨難忘

濟寧道中作

修景移南陸孤舟指汶陰予心厭氛雜何地覓
蕭森微尚竟多負荒塗茲復臨風烟稍異昔懷
抱不堪今峯際雲容改沙間日氣沉試看垂翼
鳥應是未歸林

夕泛旅思

行行道轉遠于役定何求旅思依旌幟鄉心向
驛樓霞陰凝雜樹海氣逐驚流此夕勞歌罷惟
應月伴愁

齊川

日暮齊川上乘風
逝急瀾雲清炎盡却
湖白夜宜看獨往
從吾好忘懷
向處安前村未可泊
新月在林端

湖堤晚步

步屨湖堤上行歌
烟霧間從來物累遣
彌覺道心閒
待月唯臨水看雲
直到山沙鷗况可狎
容與自忘還

湖興

客路浮清濟西風引汶川
巖容搖浦岸水色淨

湖烟旅鴈青山外
殘虹綠樹邊
滄浪權謳發待枕月華眠

旅泊感懷

長川歸鳥盡微月在城樓
世網終年困羈心此夜愁
友朋常竊長歲序屢驚道
何事蛩吟急他鄉已報秋

獨酌絕句

琴中足山水盃裏即雲霞
是處東方逸飄飄莫問家

舟次潞河生朝述懷

誰言帝京邇阻此遡洄前習坎經流沫平生冀
息肩良晨果何在初服未能旋自悔雲蘿隔徒
勞夢寐牽蹉跎改容髮來往異風烟末路嗟飄
梗知音想絕絃行行窮上國望望竟長川霞作
重樓舉星爲雙闕懸開尊對蘭渚佇檝倚芝廬
策馬復茲去群龍竊愧焉邴原惟欲免劉向不
圖遷始愿名山往終期微尚宣音徽行有託歲
月坐空捐爲語傷秋客今非騎省年

憶家

臘月冰河上帝州別予妻子忽驚秋天邊不見

傳書使落日歸鴉無限愁

皇甫少玄集卷十七

少玄山人吳郡皇甫湊撰

行役

歲己亥七月之郡發都作

俟罪承嘉惠鞠躬竄河汭淹泊過蘭暑迎秋戒
征轍側感信宿期俄悼古今別方悅涼風生猶
苦炎埃結蟬鳥鳴山原雲霞被蠟嶼伊予秉孤
尚中路困緇涅將躋彭咸居徒瞻子牟闕乘流
暫清曠倚舟延川月且從曲士誚未達古人節
終乏符守才何以佐時哲

入舟

停策厭霖潦登轡美雲樹輕颺自遠集川色靄
已暮澄瀾含霞彩遙洲泛秋素頗協倦游情殊
深隱淪慕從來困弱植拊志慚遠度時會苟難
并持操不易固放斥金河居眷戀玉門驚幽桂
日夜零悵望江海路邈哉素生室忝此千載晤

遡舟暑熾河堤田林登憇

修途阻鴻濩餘景睠河壤羈心苦鬱拂營魂茲
浩蕩芒焱焉可揮流沫詎易上未息區中緣徒
結遐外想晚舟凌石碕稍值雲林賞泉卉聊自
適得已非外獎不恨身日遼所願欣獨往將遂
一舉心豈顧九韶養

夕泛遣思

開秋兆徂節汨吾旅川陽臨此秋氣悲旅魂滋
洋洋何況隔心賞徘徊眷河梁感別念有緒指
途憂無方汀渚屢迴復風濤增慨慷兩鄉日予
跂一箠思誰杭微月掛石壁萍草亂寒塘翳翳
雲去岫塗塗露委芳淥水沿北舫朱華嬉南檣
聊自知魚樂江湖永相忘

夕景舒眺泠然賞寓

朝游涉長瀨落景憇雲汀洲渚杳雜沓風物共
凄清霞草望如繡極目千里平濶濶夕飈急悠
悠沙月明乘流任所適忘我羈旅情攬蒹測物
序結蘭懷友生寄言山中志歲暮期來并

夜入齊壤

客行安所期偃舳宵更發日夜代我前流坎廢
工拙來觀有新故故玩無髣髴竹樹餘鬱芊潮
瀾紛蕩汨瓊霞澹欲曙玉衡斜未沒擊汰娛白
雲挹觴弄華月不見秋水端長天迴溟渤適已
萬化冥即事兩情達何必凌三山茲行信超忽

遡衛

出國夏未半入衛秋始闌長波逝不處風露遍
空山離念久鬱陶干役時易遷汎栢懷今憂攬
葛興曩篇無患徵在昔多士國所甄遠希近闕
達沂存如矢賢求心兩惟谷慨往增泫然萬事
豈云已幽志從此宣逃樊大河渚避繳清漳淵
覽禪異鳳擊戢景同鯢旋幸鑿逸生可將為智
者口

過陶山作

奔濤邁我日驚蓬頻異壤朝徂歎京周夕宿怨

河廣近涉倦迴薄遐眺極儻莽乘菰泛星闌挹
流對秋爽鮮雲隨風來殘霞延月上不寐懷古
今眷物徒慨慷瞻淇非尺咫歌瓠詎疇曩壁彩
終寥閭龍文滋恍像榮光竟誰覩逝川空復往
何以宣我心促柱發幽響

新鄉作

手役祇簡書夙駕命征僕凝澌澌涉軌長風吹
收服臨河暢悲襟登原散憂矚落葉紛衛情游
雲蕩淇日停憶滋所懷思音爾金玉哀響亂衾
帷寒膏照絃曲偃蹇東方出不計腸斷續

汲郡旅情呈天水胡公

于役歲云暮驅車此復征高雲渺鄉路衛水疊
歸情迴塞驚沙亂寒原落日平那堪望旌節飛
雪度梁城

之崑邑道中書懷

迫歲物務勞念此近郊客趨塗無百里江城望
來隔三年謝旅遊登艫悵疇昔旣感道路艱復
嘆時序易川葦夾岸鳴湍浪乘風逆微微散林
旭泛泛隨波翻眷言濁尊酒誰遣他鄉夕予方
畏簡書春陽事行役

舟還使風

霄來苦湍浪晨喜逐風行獨此揚帆去遙隨飛
鳥征望雲疑岸缺出浦覺船輕却笑淹留客元
知不共情

吳江舟夜二首

旅泛季冬時寒深百川匯隆條寂無禽晴蹊雪
仍在獨夜湖傍人遙汀霧兼靄望月測虛盈臨
流意冥曖懷古發棹謳扁舟寄幽慨

其二

邑壤帶豐津人家映迴汜徒泊眺長原數處征

鴻起遠心滄波外客愁鐘聲裏夜寒江舟靜孤
月照烟水獨寤方悠哉勞懷曷云已

京口曉發之真州作

前津渺征路濟此大江深且自揚帆去誰爲遊
子心天遙滄海岸鄉近白雲岑慷慨長歌發臨
風懷古今

彭城道中雨行

晚遡彭山道歸雲暗幾峯殘陽向湍沒飛雨度
川重誰遣長途思還傷逐客蹤已看淮岸盡鄉
夢渺何從

沛上旅懷寄兄弟

向暮勞歌起川長緩去程鄉迷淮樹隔塞斷楚
雲平浪迹舟誰繫繁憂酒獨傾如何原上鳥偏
近旅人情

早秋楊村旅次懷伯氏季氏

滿川風露急涼度海門初蘄葉先秋下江星永
夜踈客心憑北極鄉路憶南徐塞鴈何時至平
原有素書

河西即事

涼飈千里動秋色遍川墟鳥影翳心外潮聲孤

枕餘雲沙朝戍合河漢夜帆虛一葦方能即皇
波渺跂予

河館月夜

半月光疑溢懸知度瑣闈初霄耿河漢百里靜
烟霏迴訝青葱辨前瞻鳩鵲微客愁當此夕猶
得傍清輝

衛河雨後

帆逗河澹暮雨收隴雲飛盡見皇州楚鴻南下
看形影其柰心隨衛水流

夕泛

蘆葦霜寒河漢空
扁舟入夜泛微風
也知人世同為旅
且得乘流寄月中

客愁

塞門羈客向南遷
霜落澤河歲暮天
始欲愁時沙鴈起
熒熒孤月滿前川

汶上

悲秋秋復盡汶上
過帆稀江水猶千里
征人獨不歸
霜林看月冷風岸聽砧微
若識名賢意無忘掩舊扉

薊北

薊北秋風落江東
旅望哀故林黃菊遍
張翰未歸來

秋暮旅病憶周子

名山獨往處知爾
念離群幽草秋仍合
驚猿曉却聞還家憐
白髮策馬愧青雲
何日虞溪上清風常對君

下邳晚行絕句

斜日歸鳥外寒流
落木間片帆邳城
雨滿目淮南

鍾吾驛晚思

遙山白雲外古驛青林端惆悵川鳥盡蒼然多
暮寒

淮陽

海畔淮陽郡風烟柰此何客心自容與湖上幾
經過驛岸丹楓少人家綠樹多雲帆朝見市津
火夜聞歌城郭連鴻鴈江山映綺羅寒潮正相
待歸興滿滄波

宿下邳作

落日下長川餘霞散林樾戒徒歛舟檣水鳥烟
際沒懷古邈英風臨流浩歌發伊人信龍變看

雲思超忽翻飛竟何時傷哉旅華髮客心渺誰
晤耿耿波上月

過彭城作

理棹返京城日夕邁廣川飛沫遡呂梁連巒越
彭關襟宮瞻崇嶺覓魄驚迅湍河清雲氣伏代
往朝市遷懸於測逝水刊壘棲荒烟微生偶明
世文化光八埏良圖興淪感屈德眷昌言伊昔
違旅遊三載念于旋烟憲懷華省縣痛不及捐
終制遵王塗灑泣辭故山聿來復徂暑炎氛蔽
長天行徒彌沈隕連觴多鬱煩曷爲繼我日中

情無由宣蕞心隱天業英風悵頽年聊卒榆枋
化臨流奏歸篇

立秋前二日流河驛作

流河驛下未逢秋那堪墜葉似行舟宵窓乍見
明波影蘋末風來客倍愁燕南氣殊物候改嘆
我驅馳獨未休他鄉歲月忽易度故山芳杜空
悠悠

舟中簡子循時達天津

與子離家今幾辰畏途千里倦風塵男兒雖未
免羈旅人生豈得長苦辛帆檣更發西津曉望

入滄洲秋氣早炎雲忽共洪波盡客愁且對清
尊倒眼前已少灞亭人夢裏偏多潞河道

齊城九月悵望舍弟先發

海畔霜流夜色來斷鴻聲入楚雲哀看花更惜
他鄉別憶爾遙登戲馬臺

日暮經汶湖

涉世無良圖懷祿赴江潯靡靡即遙路風湍浩
相淖首夏戒予軫聿歸冒寒陰旅人感載離日
暮多思心經途臨汶墟澄景泛崇深棲霜潔晦
渚層澳鮮陽林凌汎趨南匯乘瀾睇西岑歸懷

春茲賞倚棹發微吟曾是苦維繫愧彼波中禽

清口作

微旭散洪濤遙帆訢清口森漫連長鴻空澄映
衰柳岸白海氣交客寒楓霜厚易冬群物晦心
悲別家久思返退耕初彌傷薄遊後愧昔不遠
猷匪人獨貽咎粉櫛伊可懷浮雲復何有

湖泛

我行踰孟冬風湍日云滯聿來沂淮甸還途指
江裔暮靄散長蕪遊目盡湖勢蒼茫寒葭外浩
瀼白雲際棲鳥去人烟驚鳧下漁樵行行忽超

遠望望更前請天色隱鴻濛潮湍失空霽客念
坐纏綿臨泛泊無繫適國情已違歸田事仍戾
永言期滄洲拂衣自茲逝

過石門雨後溪行

桑烟涼裊石門堤林裏爭流百道溪別思客愁
何處著青山宛在暮帆西

歸安旅情

遡舸凌風發津途旅思催夜天寒澤國孤月迴
江臺客序楓林變鄉心茗水迴雖非折腰吏昨
已賦歸來

舟行望道場山

靈巘居然勝祗從望裏看洞雲疑客到巖桂悵
秋殘漠漠烟霞晚行行溪澗寒誰憑解含意孤
月下清湍

期登道場山不果

悵望丹梯隱翠微溪林烟暝鳥歸飛來經蕙路
秋將盡坐對名山心自違

曉渡曹娥江

趨塗未云已霧雨行江干輕舸不可渡柳色誰
能看望流藐衣帶懷人悵風湍溪陰獨愁旅海

嶠餘春寒

下姚江作

發夕迷海津乍見晨霞晰春日泛雲濤殊忘越
鄉別惠風紛入懷連巒翠堪擷念乏京坻謠慚
紆使者轍

春暮即事在寧波作

攬轡歷徂春海氣獨蕭瑟蚤雨夕鳴風鮫烟晝
含日懷祿竟何成俛首時自失鞭撻仍惠心案
牘更緝帙微尚終不違勝事兼可述目眺方峯
雲夢度張平室

赴赤城述懷

曾是沈金馬迷津春水涯滄波無下鳥碧樹有
驚花過爾從機事紛吾戀歲華何由解纓絡愁
思赤城霞

北渡憶子循弟

北渡到南渡但看風浪深桃花忽欲暮行子獨
何心日有疆中發時聞池上吟春遊良已善憶
爾廢登臨

桑洲道中二首

仙岑已可到客路指桑洲雨帶朝霞色溪含滄

海流尋源期獨往登陸羨茲遊去住堪乘日春
山無旅憂

其二

疊障無時斷春山盡日行遙疑徑路絕但見雲
霞生迹自忘機暇心猶履險平聊承古人意一
酌澗泉清

桐巖曉發

厲澗越南岑拂霧趨東土宿處惟蒼烟遙天徑
如縷林光曙鳥散海氣寒雲聚憫勞感婦歎搖
搖涉春雨

旋途雜詠四首

行歷千巖下碧湍客中風物帶愁看山陰道上
飛花滿不信春情亦自難

其二

二月樵風應晚來剡溪如畫布帆開傍人訝有
凌雲思知我看花玉洞回

其三

海畔春殘客溪前夜半行西莊月未起幽意待
誰明

其四

我別丹砂縣行看碧嶠雲題書與劉宰寄意在
無紛臨海令子興也

皇甫少玄集卷十八

少玄山人吳郡皇甫湜撰

寄憶

翠華歌奉寄白巖喬司馬

翠華遙在鍾山側五雲松栢空愁色長干街頭
飛落花秦淮樹上啼早鴉鴈門旌旗塞江口蛾
眉哭聲徹南斗翩翩漁獵百草長紫鱗白額隨
龍驤赤心將軍射鵬手馬上彎弓天子傍京塵
北風暗麟玉梨園子弟爭馳逐彭蠡中丞思赤
松留都司馬哀黃竹御苑朝天楊柳垂錦纜牙

檣那得知寄書惆悵話王室一夜秋風鬢欲絲

雪山歌奉寄彭太保

雪山差我控西極寒井陰光混開闢千秋鳥道
無陽春北風慘澹吹峨岷羽書宵過褒斜道火
入靈關徹昏曉愁雲百里填城河帳中銀燭然
盤陀將軍狐裘細馬馱彈箏伐鼓金叵羅指麾
羽扇白玉珂背河一戰收蓬婆銘功刻石報天
子麒麟閣上事已多憶昔中原全盛日八方無
虞醴泉出龍舉空悲劍鳥藏海南漠北俱蕭瑟
君王垂衣念西土錢塘老子不足數彭公大梁

佇獻捷已見彤弓出天府持節心知主恩重入
關更識王臣苦文武吉甫非公誰臨洮健兒勇
如虎驥子朝披玉壘雲魚文夜濕金隄雨閩中
一月見節制烹羊宰牛割清醕狼籍衣冠頌破
竹馬前父老稱安堵園陵佳氣春氛氲錦官城
中日歌舞當時匹馬更朝天又逐輕車過酒泉
勲名豈數七十戰至今邊卒高枕眠歸來謁帝
承明殿世事那知一朝變功成下吏古所悲浮
雲蔽日今曾見天下驚聞栢臺火匣內空留上
方劍壯士長歌梁甫吟孤臣獨泣瑤池宴蓮峰

落月照黃河榆谷飛塵暗蘭縣武穆祠西秀水
流一望江山淚如霰

西湖歌寄方思道

西湖窈窕三十里柳絲含烟拂湖水青山蕩漾
春風來蘇公堤邊花正開玉缸春酒映江碧幾
醉江花柳花白城頭日出照高樓銀箏翠管喧
行舟吳姝如花捲綃幕山水倒入金屏流朝來
復晚千金駿還有床頭紫綺裘人生行樂莫顧
惜落日松風吹古丘我憶京華舊遊地漁浦東
看動愁思醉裏空歌鏡湖月夢中尚識孤山寺

信安使君還舊溪應對花卮惜解携白沙翠竹
無人問湖上孤吟聞馬嘶

山中扈從寄懷子木

肅事從宸豫同聲景上才臨花燕蹕靜入竹楚
帆開賦類投湘作查疑上漢迴曉芬流蕙砌春
思引霞杯寓矚珠擔麗凝情石榴哀還聞梁苑
客芳駕並鄒枚

懷寄諸兄弟三首

萬里南飛鴈何時塞上來客愁懸落日鄉夢繞
胥臺投筆情還在垂竿老未催淹留此懷舊長

使壯心衰

其二

悵望皇畿宰彈琴政擬誇飄零金馬客回首事
堪嗟落日邛城遠春風淦水賒相思浩歌處草
色遍天涯

其三

不見白眉弟慨然心莫陳風烟一以眺流落倍
傷神塞嶺雲還寂江臺月共新行看斗牛氣離
合定何辰

夢友人王惟楨作三月一日也

蘭友阻言覲幽歎彌歲時及我淹河渚雲龍爾
忽辭懷玉悲棄捐撫劍惜乖離山川渺千里載
觀春華滋滄洲夢夙昔賴此慰相思憂歡故相
雜飛魂不自持攬衣託毫素絨淚達江湄

晚景孤坐輒懷王子

蟬鳴夕思多荷藻清陰聚餘霞斂遙岑踈星浮
近浦明月來何遲佳期過三五方矜會面歡俄
軫離居苦望望遡征雲曷由附飛羽

寄金氏

白日下庭陰寒氣淒以肅凝雲翳廣野昏飈塞

陵谷旋顧異形音傷彼無枝木哀鴻失其群鳴
飛一何速徘徊興憂惻離念增煩促秉心亮伊
人爲歎鮮不淑翹思不可即崇都交旬服征軺
無日夜爾音胡金玉嗟予傷夙昔時哉志彌觸
玄情憂未逮麗此推舟陸我有松檜楫何由泛
江澳乃心東南流默默以自卜倘因春水泮終
然騁高躅

寄友人

遊子辭京秋已深扁舟遙向五湖陰寄聲不用
南飛鴈明月迢迢傳我心

有懷子木維楨

王生倦省務傾想宛溪涯蔡子來自南返役荆
相槎開徑延良覲汎瑟慰幽遐披帙遲有瑩撫
景曠無嘉流風結庭芳敷雲湛園華彼美悵佇
立高窓銷永霞

子木書至

蛩鳴陽景戢潦收秋氣滋涼月懸高軒清氣盪
華池我友勤遠役迢迢湘川湄遺我篋中素款
情勞所思幽蘭不可結洲寒落芳蕤征衣夕掩
露江臯風正悲寄言於浮雲爲子東南馳

憶友作

園霽散烟華日氛曠山霽崇霞開夕襟澄川延
晚睇幽懷倦羈客塵蹤苦留滯佳人潤琴酒爲
樂思及歲道景忽若馳回風切搖蕙

寄山中友人

遺世世有經濟物物有宜玄軌不存我龍變安
可期矯分赴淵流削迹性所違曰予暗師訓微
尚在巖棲適來謬觀國時義邁升階文采豈獨
異玄素中自睽撫情軫昔痛離慙中今悲淵魚
駭雲秦山猿驟文衣負心愧初服省已慙良知

邈舟鴻河域流忘蒼岑靡雖抱逝矣感猶莫來
者追榛塗疚東矢榆景眷西思幽山桂未歇霞
月餘素暉慕類心悠悠傷歸歎棲棲諒篤終始
義庶鑒明達懷

秋夕有懷

孤游傷蓬轉思端乘夜作寒膏澹無輝淒籟叩
哀壑吟蛩依戶響舞葉交窓落無衣詠卒歲休
車謠好樂美人隔雲端金壘誰共酌欲知我心
憂懸旌無終薄

寄懷王道思三首

吾賢國之禎海內英流眄揚嫜乃見詠懷壁本
滋患昔慙聽履同今唾掛冠晏他日良史書庶
無題巧宦

其二

鄭生返蓬室陶子颺輕舟
睽彼千里塗擊汰邁
吳洲星遄不遑舍晤言獨無由
邈然山川異佇
立增離憂

其三

悵望閩陽山岩堯白雲裏行邁爾娛憂放歌從
此始登郊俯胥水水流何瀾瀾相思倘有源逝

言無窮已

懷申生

昔我承嘉惠竄跡大河潯
洪流逝滔滔遊子憂
思深回風飄虛閣索處悲難任
申生蘊璵璠投
分義所欽綠綺久不奏爲子激
哀音眷眷感離
志冉冉遂迨今晤言恍如昨
一別歲載陰微我
殷思勞非爾誰爲心

寄蔡子木

帝暉騰婺耀澤采蘊驪珍雅徵惟降理世載炳
靈人聯翩登玉府伊爾歲星臣終軍年獨少金

馬跡方淪河源永有慕輜軒旦還鴛言膏齊魯
車復指湘沅路日觀曬秦封雲臺題楚賦佇情
溫室殷飛魂索居屢駮服造鴛行比翼共翱翔
咸賓五明側餘照百華傍兩闈承紫極修漢邇
清楊鳴珂蹀宿影覆錦爛霞張露清湛玉掌水
綠泮金塘含情聊寄軫携手亟飛觴茂先稱博
物公幹擅雕章蘭蓀言自馥蒲柳歎恒忘信美
風雲契更幸休明世龍旆識天行鸞文瞻日麗
河東忝扈從周南不留滯遺儀諒爾諾嘉頌豈
予第密霰灑寒原送子戒行軒炎埃蔽河澳相

將命征軸羈旅切離愁于役逝悠悠心傷具錦
折淚逐鴈書流懸旌眷城闕駛棹別江樓疲戟
乃多舛懷沙祗自尤緝眉困塵莽鞅掌濶衾幃
疾首三陟痛銷志百懼憂昔慚杞梓用今悲搖
落秋天涯凜秋色客子故鄉憶衛渚發孤帆星
闌不遑息張翰久思歸陶生昨已非剪棘開樵
徑采荷製山衣草蟲鳴夜旦同懷隔言粲故疑
惟爾析新藻復誰玩結芳徒思勞頽齡積幽嘆
遙傳過江札知矯入閩翰溪流烟華淨亭峰雲
影亂披烟躡椒庭拂雲扣芝觀康樂詩應侈尚

平遊豈晏且抑長往志毋貽徽音惋翹足企江
潯延頸冀德音月隨桂岑遠霜流楓岸深理絃
不成曲覽鏡難爲心無由假鵠羽千里一相尋
再得元達至東昌書感寄三首
念別秋雲動懷君心莫陳片帆聞昨到尺素喜
來頻望阻齊城路愁飛燕塞塵忍經得失異淒
颯欲沾巾

其二

感憶征轅邁宵銷去住魂交情誰得似古道爾
能存雲靜禪房榻花深省署尊遙知各回首何

日更同論

其三

落日黃河渡悲君戀母情驅馳應不惜留滯獨
何成雲苦荆丘沒天寒潔水清政才看逸發五
馬讓賢名

泊潞河奉寄相國介翁二首

來玉亭前候履音當年曾亦濫華簪扈從快覩
風雲久獻納瞻依日月深每愧鈇刀輕一割虛
令駑馬重千金群僚動色揮毫敏獨訝知公翼
翼心

其二

夙夜貞勤南省賢文章勲業果誰先近叅端揆
忠逾契獨奉絲綸意每宣禁漏須臾雙闕地清
楊迢迢五雲天廿年潦倒龍門客此日飄蓬倍
黯然

問訊子循卧病二首

養疾春山裏松齋永晝虛焚香讀道論閉戶檢
方書鶴舞庭偏寂花飛徑不除非綠高卧久那
使俗塵祛

其二

水竹爲君癖烟霞非世情避人春草暗行藥晚
風輕幌月虛時矚窓泉靜後聲真心終不化爲
謝魯儒生

懷吳客部以容

故人吳季子起草仙臺端蘭省碧雲外瓊枝何
日看江衡遠空盡月帶踈烟寒芳歲一爲別夢
來秋草殘

寄遠

情親渺千里悵憶長河湄盡日無由慰青春有
所思空看江上鴈難寄隴頭枝夢罷正愁絕寒

窓月到時

春臺寓目招李子釋大

春氣靄中林愁思不可任故人同省闈何事間
招尋惠采時流砌清香亂入襟城光三月暮閣
道五雲陰跂石情聊遣看花意獨深游魚爭避
影幽鳥自鳴心且欲江湖去因君寄一吟

奉懷李少卿

嶺南旌節下江城歸到依然谷口耕今日閑居
憂社稷當年啓事動公卿青雲畫省從來意白
雪朱華老去情惆悵春風樹桃李蹉跎秋色竟

無成

早春寄台州佐王維禎

故人長沙謫量移收越鄉幸對台嶺秀日令歸
思忘霞色照高卧白雲盈訟堂苔陰接空暗瀑
翠侵堦涼五月蜩始鳴與君別河梁昨來倉庚
飛春風滿吳閭感茲流運駛坐爲羈宦傷伊余
厭塵世魑魅甘岩廊顏空紫榮落夢引滄波長
曾城定可到虬駕何時翔

寄華陽兄

抱玉吾兄恨征轅不可留曉樽衣重攬春甸淚

俱流遙憶看花處誰同採艾遊停舟多宴笑難
達薊門憂

六月四日秦兒之生朝也雨酌懷述二
首

念汝懸弧日于今一紀臨雨杯聊土俗晨鏡豈
吾心勞愛情能已經年恨自深如何懽置膝玉
樹倚秋襟

其二

舟樹曾迷望泉雲尚黯魂別堪維岸久淚憶把
衣繁消息虛傳鵲肝腸易惋猿心期一峯足鍾


鼎未須言

寄弟

秋宵思不盡離袂忽經年夢合風雲後書歸鴻
鴈前數竒非爾事節苦竟誰憐錦莖芳菲處羞
將別句傳

不寐重憶林子

徐倚巖城月前瞻祗樹林寒尊餘晚興風徑
清陰莫下楊朱泣終知買誼心宵闌不憶汝
遣客愁深



皇清
乾隆
二十
五年
庚子
秋
八月
二十
日
金
一
八

